



# MALAYSIA BERSAMAMU

## ATLET NEGARA YANG CEMERLANG DALAM SEJARAH SUKAN SEA

### Nuruh Huda Abdullah (renang) 22 emas

Sukan SEA 1985 7 emas  
Sukan SEA 1987 7 emas  
Sukan SEA 1989 8 emas

### Shalin Zulkifli (boling) 20 emas

Sukan SEA 1993 2 emas  
Sukan SEA 1997 2 emas  
Sukan SEA 1999 5 emas  
Sukan SEA 2001 4 emas  
Sukan SEA 2007 3 emas  
Sukan SEA 2015 1 emas  
Sukan SEA 2017 3 emas

### Leong Mun Yee (terjun) 16 emas

Sukan SEA 2001 4 emas  
Sukan SEA 2005 2 emas  
Sukan SEA 2007 2 emas  
Sukan SEA 2009 2 emas  
Sukan SEA 2011 2 emas  
Sukan SEA 2013 1 emas  
Sukan SEA 2015 1 emas  
Sukan SEA 2017 2 emas

### Alex Lim Keng Liat (renang) 12 emas

Sukan SEA 1997 1 emas  
Sukan SEA 1999 2 emas  
Sukan SEA 2001 3 emas  
Sukan SEA 2003 4 emas  
Sukan SEA 2005 2 emas

### Mohd Qabil Ambak Mahamad Fathil (ekuestrian) 11 emas

Sukan SEA 2001 4 emas  
Sukan SEA 2005 1 emas  
Sukan SEA 2007 4 emas  
Sukan SEA 2017 2 emas

### Daniel Bego (renang) 11 emas

Sukan SEA 2003 1 emas  
Sukan SEA 2005 2 emas  
Sukan SEA 2007 2 emas  
Sukan SEA 2009 5 emas  
Sukan SEA 2013 1 emas

### Ooi Tze Liang (terjun) 9 emas

Sukan SEA 2013 3 emas  
Sukan SEA 2015 4 emas  
Sukan SEA 2017 2 emas

### Jeffrey Ong (renang) 8 emas

Sukan SEA 1987 2 emas  
Sukan SEA 1989 2 emas  
Sukan SEA 1991 2 emas  
Sukan SEA 1993 2 emas

### Pandelela Rinong (terjun) 8 emas

Sukan SEA 2007 1 emas  
Sukan SEA 2009 2 emas  
Sukan SEA 2011 1 emas  
Sukan SEA 2013 1 emas  
Sukan SEA 2015 1 emas  
Sukan SEA 2017 2 emas

### Fatehah Mustapa (basikal) 7 emas

Sukan SEA 2011 3 emas  
Sukan SEA 2017 4 emas

### Durratun Nashih Rosli (gimrama) 5 emas

Sukan SEA 2003 4 emas  
Sukan SEA 2005 1 emas

### Faiznur Miskin (gimrama) 4 emas

Sukan SEA 1989 4 emas



Sie Yan



Nurul Huda



Shalin



Mun Yee

# Shalin hampiri rekod Nurul Huda

➔ Fatehah, Sie Yan pemenang emas terbanyak kontinjen negara pada KL2017

Oleh Mohamad Zulfaizan Mansor  
zulfaizan@bh.com.my

### ▮ Kuala Lumpur

**F**atehah Mustapa serta Koi Sie Yan menjadi dua atlet negara yang paling banyak memenangi pingat emas di Sukan SEA Kuala Lumpur 2017 (KL2017) yang melabuhkan tirainya, Khamis lalu.

Kedua-duanya menyumbang empat emas dengan Fatehah menepati ramalan menguasai acara berbasikal trek di Velodrom Nasional, Nilai dengan memenangi acara pecut individu dan berpasukan, keirin dan 500 meter ujian masa.

Sie Yan pula harus digelar ratu gimrama KL2017 apabila mengungguli acara individu keseluruhan, apparatus gelang, belantan dan berpasukan wanita.

Kejayaan Fatehah mengumpulkan empat emas di KL2017 menyaksikan pelumba kelahiran Terengganu itu mengumpulkan tujuh emas keseluruhan selepas memenangi tiga emas di Indonesia 2011.

Kejayaan Sie Yan pula membolehkan atlet kelahiran Kuantan itu mengumpulkan lima emas keseluruhan selepas memenangi satu emas di Singapura 2015 dalam acara individu keseluruhan.

Bagaimanapun, kejayaan kedua-dua atlet itu belum

mampu menandingi ratu renang negara, Nurul Huda Abdullah yang kekal sebagai atlet negara yang paling banyak memenangi emas dalam sejarah Sukan SEA apabila mengumpul koleksi 22 emas dalam tiga edisi yang disertainya.

### Catatan luar biasa

Pencapaian paling menakjubkan Nurul Huda yang turut hadir menyaksikan KL2017 ialah merangkul tujuh emas dan satu perak pada Sukan SEA Ke-13 di Bangkok 1985 selain berjaya memecahkan enam rekod Sukan SEA.

Malah, Nurul Huda juga menamatkan pembabitannya dalam Sukan SEA pada 1989 di Kuala Lumpur dengan catatan luar biasa apabila merangkul lapan emas.

Ratu boling negara, Shalin Zulkifli sepatutnya boleh mengatasi rekod Nurul Huda itu sekiranya dia memenangi enam emas di KL2017.

Bagaimanapun, atlet berusia

39 tahun itu memenangi tiga emas dalam acara trio, berpasukan dan masters, sekali gus mengumpul 20 emas keseluruhan sepanjang beraksi pada temasya dwitahunan ini sejak 1993.

Bagaimanapun, Shalin dijangka mampu menyamai dan mengatasi rekod ratu renang negara itu sekiranya boling dipertandingkan di Manila kali ini dan dia terpilih beraksi lagi.

Selain Shalin, atlet terjun negara, Leong Mun Yee juga tidak kurang hebatnya apabila meraih dua emas di KL2017, sekali gus menambah koleksi emas peribadinya dalam Sukan SEA kepada 16.

Atlet ekuestrian, Mohd Qabil Ambak Mahamad Fathil juga tidak menia-siakan penampilannya kali ini apabila memenangi dua emas.

Kejayaan itu menyaksikan dia berjaya mengumpul 11 emas keseluruhan buat dirinya sepanjang Sukan SEA.



Fatehah